

## Årsmelding 2020

### Verksemda sin art

Selskapet si verksemd er innsamling, sortering og handtering av næringsavfall i Volda og Ørsta kommunar med omega. Selskapet si forretningsidé er sal og leveransar av effektive avfallsløysingar til næringslivet, offentlege verksemder og delvis til private. RSS er franchisetakar i den landsdekkande avfallskjeden Retura. Verksemda vert driven frå leigde lokale i Ørsta kommune der dei også har sitt forretningskontor. RSS utfører nesten all transportverksemd i selskapet med eige personell og eigne bilar. Selskapet har om lag fem hundre konteinarar og bilparken består av ein varebil, ein kranbil og fire containerbilar. Nokre transporttenester leigast inn frå andre selskap. Innsamlingsverksemda er i stor grad konsentrert om bruk av containerbilar og renovasjonsbilar. Transport og innsamling av avfall skal skje med det til einkvar tid mest muleg føremålstenlege og rasjonelle materiell og utstyr, og som gir dei lågaste miljømessige belastningane innanfor forsvarleg drift. Ved avfallsbehandlingsanlegget i Hovdebygda vert det utført mottak, sortering og mellomlagring av blanda og reint næringsavfall. Selskapet driv omfattande verksemd innan særskilt handtering av pappfiber, våt - organisk avfall og tyngre næringsavfallsfraksjonar frå bygg/anlegg. RSS har løyve frå Statsforvaltaren til mottak av ordinært- og farleg avfall.

### Stilling og resultat

Selskapet nådde ei omsetning på kr. 25 025 654,- i 2020. Resultatet syner eit positivt driftsresultat på kr. 100 709,- og ordinært resultat kr. 75 747,- etter skattekostnad. Etter styret si meining gir den framlagde resultatrekneskapen og balansen eit fullstendig og rett bilet av drifta i året og stillinga ved årsskiftet. Driftsinntektene er auka med 8,9% frå 2019. Eigenkapitalen utgjer 64,5% av totalkapitalen mot 68% i 2019. RSS har også til dels merka situasjonen med Covid-19 men har klart seg godt gjennom året. Utan Covid-19 ville truleg resultatet vore betre.

### Framhald av drifta

Årsrekneskapen for 2020 er sett opp under føresetnad av framhald for drifta. Vi stadfestar med dette at føresetnadene for framhald av drifta er til stades.

### Arbeidsmiljøet

Sjukefråveret i året har vore på 185 dagar. Dette utgjer 5,84 % av tilgjengeleg arbeidstid i året. Styret vurderer arbeidsmiljøet som godt. Det har ikkje vore rapportert om skadar eller ulykker. Det vert kontinuerlig arbeida med å forbetra og legge til rette for tiltak som kan bidra til å redusere sjukefråvær og skaderisiko. Selskapet er ISO-sertifisert innan ISO-9001 og ISO-14001. Selskapet har bedriftshelseteneste og tilgang til fri bruk av trimrom for tilsette.

### Ytre miljø

Selskapet har hatt ei hending med eit mindre utslepp i 2020. Dette er varsla og handtert etter gjeldande regelverk. Selskapet legg vekt på å førebygge situasjonar som kan føre til forureining av det ytre miljø. Selskapet bidrar til å holde utslepp av avgassar og utslepp frå

transport på et minimum ved kontinuerlig og systematisk vedlikehold av maskiner og biler. Det er utarbeida risikokartleggingar av avfallshandsaming/sortering.

### Likestilling og menneskelege ressursar

Selskapet hadde pr 31.12.2020 åtte fast tilsette. Alle er menn. I 2020 gjekk dagleg leiar av med pensjon og det vart rekruttert ny dagleg leiar som starta 1. august.

Styret består av to kvinner og to menn. Selskapet praktiserer kjønnsnøytralitet med omsyn til rekruttering.

### Årsrekneskap – hendingar etter balanceslutt

Styret kjenner ikkje til hendingar etter rekneskapsåret sin utgang som har vesentlig verknad for bedømming av selskapet sitt årsrekneskap.

### Disponering av overskot

Styret gjer framlegg om at kr. 45 500,- (60%) av overskotet på kr. 75 747,- vert utdelt utbytte til eigar. Resten vert å overføre til annan eigenkapital.

### Framtidig utvikling

Styret vurderer framtidsutsikta som god. Bil og maskinparken er fortløpende fornya dei siste åra og kundemassen er rimeleg stabil.

Hovdebygda, den 11 05 2021

Bente Fylken  
Styreleiar

Espen Mikkellborg  
Styremedlem

  
Line Lauvsnes Oddekalv  
Nestleiar  
Jon Magne Aasen

Tilsettrepresentant

  
Øyvind Amdam  
Dagleg leiar